

Charuba cu 8 buki ariba mercado pa aña 1988

ORANJESTAD(AAN)-
Gracias na fondonan cu
UNOCA a pone disponible pa
Charuba, e cas editorial
Arubano, den transcurso di aña
1988 a logra publica no menos
cu 6 buki produci pa autornan
Arubano.

Desaroyo di e pais ta trece
cune cu comunidad ta hayando
hopi influencia di tur e bishitan-
tenan di afor. Tambe e lenga
Papiamento ta worde influen-
cia.

Un di e metanan di Charuba ta
pa stimula desaroyo di propio
identidad y esaki Charuba ta

purba realiza door di publica
obranan di propio autornan
den nos propio idioma.

Te ainda leza y cumpra buki no
ta un custumber nacional,
pesey e unico forma pa publica
ta pa medio di subsidio. E
autornan no ta worde paga pa
nan manuscrito tampoco.

Pesey Charuba kier a haci un
apelacion riba comunidad pa
demostra aprecio y solidaridad
pa cu su mes autornan y
ilustradornan y cumpra nan
obranan pa coleccion y como
regalo pa otro.

E obranan publica ta:

- Pancho Geerman, "Flor di
sanger";
- Wim Rutgers, "Bon dia", y "Het
nulte hoofdstuk"
- Lolita Euson, "Sweet Praises"
- Jerry ENgelbrecht, "Nos Am-
biente II"
- Ruben Odor, "Luz y Sombra"
- Denis Henriquez, "E soño di
Alicia" y "Cas Pabao"
- Filomena Wong, "Na caminda
pa independencia"

Coopera cu cultura. Pa mas in-
formacion por tuma contacto
cu Lourdes Croes na Biblioteca
Nacional, Herman Somers na
Plaza Bookshop of Alice van
Romondt (tel. 24900/ext.102).